

ИМКОНИЯТИ ЧЕКЛАНГАН ШАХСЛАРГА АХБОРОТ- КУТУБХОНА ХИЗМАТИНИ КЎРСАТИШ



Дилрабо Норматова,
Жиззах вилоят
кўзи ожизлар
кутубхонаси услубий
библиографик
бўлими
библиографи

«JAVS»
дастурида
ишловчи
компьютерлар
жамламаси ўқиш
залларига
ўрнатилиб,
эндиликда, кўзи
ожиз
фойдаланув-
чилар китобларни
овозли эшитиш
билан бирга
замонавий
техникалардан
фойдаланиш
дастурини ҳам
ўрганиш
имкониятига эга
бўлишади

» **К**итоб инсонларнинг, хусусан, ёшларнинг кундалик танавул қиладиган нони, нафас олиш учун зарур ҳавоси бўлмоғи лозим. Киши китоб ўқимасдан туролмаслиги, ҳатто яшай олмаслиги мумкин. Китоб ўқиб маънавиятни бойитиш, бўш вақтини китоб ўқишга бағишладан ҳам олийроқ фазилат йўқ. Бу туйғуни кўзи ожиз инсонлар яхши тушунади.

Кўриш имконияти чекланган аҳолини ахборот билан таъминлашга хизмат қилувчи кутубхоналарнинг асосий вазифаларини амалга оширишда, кўзи ожизлар кутубхонаси фондини тўлдириш, нашрлар турларига кўра, уларни ҳисобга олиш, маълумот манбаларини тузиш, сақлаш, фойдаланувчилар фойдаланишлари учун адабиётларни тарғиб қилишни ташкил этиш муҳим вазифа саналади. Соғлом инсонлар билан бир қаторда кўзи ожиз инсонлар ҳам замон билан ҳам нафас яшашлари учун бугунги ахборотлашган замонавий кўзи ожизлар кутубхоналарини ташкил этиш зарур.

Республикамизда биринчи кўзи ожизлар кутубхоналари ташкил этилганига қарийиб 70 йил тўлмоқда. Шу сабабли бизнинг Жиззах вилоят кўзи ожизлар кутубхонаси 1978 йил Жиззах шаҳар маданят уйи тасарруфида ташкил этилган 1990 йилгача Жиззах вилоят кўзи ожизлар жамиятида 2 та хонада фаолият юритган. 2007 йилда Жиззах вилоят кўзи ожизлар кутубхонаси 2300 та китоб фонди билан Кўзи ожизлар жамияти биносининг 3-қаватида қайта ташкил этилди. Кутубхона имонияти чекланган, кўзи ожиз ва заиф кўрувчи фойдаланувчиларга хизмат кўрсатади. Жумладан, бугунги кунда кутубхона фондида бўртма ёзувли, аудио ҳамда босма ёзувдаги жами 13000 дан ортиқ адабиётлар мавжуд бўлиб, ушбу китоб фонди билан Жиззах вилоятидаги ҳамда Зомин, Фориш, Ғаллаорол, Зафаробод, Ш.Рашидов туманларидаги кўзи

ожиз ва заиф кўрувчиларга кутубхона хизмати кўрсатилмоқда.

Шаҳар ҳудудидаги имконияти чекланган фойдаланувчиларга адабиётлар етказиб бериш мақсадида ногиронлар реабилитация маркази, 32-сонли ногирон болалар махсус мактаб интернати, Кўзи ожиз ва заиф кўрувчилар мактаб интернати, Жиззах давлат педагогика институти ҳамда Жиззах санаторийсида кўчма кутубхоналари фаолият олиб боради. Кўчма кутубхонада ходимлар томонидан ҳар 15 кунда адабиётлар алмашинуви олиб борилади. Ҳозирги кунда вилоят ва туман кўзи ожизлар кутубхоналарининг моддий техник базаси замонавий талаблар даражасига жавоб бера оладиган ҳолатда жиҳозланган, иситиш, совутиш мосламалари ўрнатилган бўлиб фойдаланувчиларга кутубхонадан фойдаланишлари учун қулайликлар яратилган.

Вилоят, туман кўзи ожизлар кутубхоналари сўнгги русумдаги компьютер жамламалари билан таъминланган. Сўнгги ўн йил мобайнида дунё миқёсида кўзи ожизлар учун янги техник мосламалар, компьютер қурилмалари ишлаб чиқариш жадаллашган бўлиб, кўзи ожизлар кутубхоналарида бундай қурилмаларни бўлиши фойдаланувчини адабиётлардан тез ва самарали фойдаланишига хизмат қилади. Шу асосида кутубхонада яна бир қулайлик яратиш учун китобларни овозли эшитиш, фойдаланувчиларни талабларига кўра «JAVS» дастурида ишловчи 6 та компьютер жамламаси келтирилиб, ўқиш залларига ўрнатилди. Эндиликда, кўзи ожиз фойдаланувчилар китобларни овозли эшитиш билан бирга замонавий техникалардан фойдаланиш дастурини ҳам ўрганиш имкониятига эга бўлишади. Мақсадимиз вилоятдаги кўзи ожизларнинг компьютер саводхонлигини ошириш, уларни керакли маълумотлар билан таъминлашда кўмаклашидир.



Бугунги кунда кўзи ожиз ва заиф кўрувчи фуқароларни маданий-маърифий тадбирлар орқали жалб этиш энг самарали усуллардан бири ҳисобланади. Шу мақсадда, кутубхонада муҳим ва унутилмас саналарга бағишлаб ўтказиладиган тадбирлар, ижодий учрашувлар, давра суҳбатлари, янги адабиётлар кўргазмалари уларнинг талаби ва иштирокларида ташкил этилади. Жумладан, Жиззах вилоят кўзи ожиз ва заиф кўрувчилар махсус мактаб интернати ўқувчилари ҳамда «Меҳр-мурувват» шаҳарчаси фуқаролари ўртасида овозли тўгараклар ташкил этилган, унда тўгарак аъзолари брайль ёзувида тез ва ифодали ўқиш, ёзиш бўйича саводхонлигини мустаҳкамлайдилар. Кутубхонада махсус аудио воситалар орқали ўзлари танлаган адабиётларни овозли тарзда тинглаш имкониятига эга бўладилар.

Кўзи ожизлар кутубхонаси фаолиятида вилоят маданят ишлари бошқармаси томонидан молиялаштирилсада у мақсад йўналишига кўра вилоят, шаҳар кўзи ожизлар жамияти билан яқиндан ҳамкорлик олиб боради. Аини ҳамкорлик самараси кутубхонада кўзи ожизлар ўртасида етишиб чиқан таъқли шахслар, жамият фаолиятида олиб борилаётган ишлар ҳақида маълумотлар тўплашда яқиндан кўмак олинади.

Шу билан биргаликда, кутубхонада фаолият олиб бораётган ходимлар ҳар томонлама

билимли, талабчан бўлиши учун ҳар йили кутубхона соҳасида Республикамизда ўтказиладиган малака ошириш курслари, кўрик-танловлар ва семинарларда иштирок этмоқда. Бу, албатта, фойдаланувчиларга тез ва самарали янгиликлар билан хизмат кўрсатишда ўз ўрнига эга.

Давлатимиз томонидан имконияти чекланган фуқароларни билим даражасини ошириш, маънавиятини юксалтириш, китоб ўқиш, мутолаа маданиятини ошириш мақсадида 2018 йил 18 сентябрдаги «Ногиронлиги бўлган шахсларга ахборот-кутубхона хизмати кўрсатиш тизимини такомиллаштириш тўғрисида»ги Вазирлар Маҳкамасининг 739-сонли қарори имзоланди. Бу эса, имконияти чекланган фойдаланувчиларга янгича усулда замонавий қулайликлар асосида хизмат кўрсатиш тизимини такомиллашиши ва янада самарали ишлар йўлга қўйилишига сабаб бўлади.

Хулоса ўрнида шуни таъкидлаш кераки, ушбу қарордан келиб чиққан ҳолда эндиликда кўзи ожизлар кутубхоналари ногиронлиги бўлган шахсларга хизмат кўрсатадиган махсус ахборот-кутубхона муассасаси деб юритилиб бунда «Инсонларнинг ҳаёти ва фаолияти муҳитини, ногиронлар эҳтиёжини ва аҳолининг кам ҳаракатланувчи гуруҳларини ҳисобга олган ҳолда ишлаш» талабларига риоя этиш имконини беради.

Жиззах вилоят кўзи ожиз ва заиф кўрувчилар махсус мактаб интернати ўқувчилари ҳамда «Меҳр-мурувват» шаҳарчаси фуқаролари ўртасида овозли тўгараклар ташкил этилган, унда тўгарак аъзолари брайль ёзувида ўз саводхонлигини мустаҳкамлайди

Норматова Дилрабо, библиограф Информационно-библиотечного центра для слепых Джизакской области.

Автор статьи пишет, что люди с ограниченными возможностями тоже должны получать полноценную информацию, для этого перед библиотекарем стоит несколько задач. Областная библиотека была организована в 1978 году и за прошедшие сорок лет работники библиотеки оказали услуги многим незрячим читателям. Общий фонд библиотеки со шрифтом Брайля на сегодняшний день составляет около 13 196 единиц книг. В последние годы для улучшения условий незрячим пользователям была установлена современная компьютерная аудиосистема с программным обеспечением «JAMS». Кроме этого в библиотеке организуются для пользователей различные культурно-просветительские мероприятия, также проводятся творческие встречи с известными людьми. ■